

Cuorta cronica

Objekttyp: **Group**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **4 (1930)**

PDF erstellt am: **20.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Igl ei la valeta de demussar alla sinthesa de Nagomaltor entgina atenziun. In product nutritiv e de rinforz duei far saung, svilupar l'ossa ed infermir ils gnarvs. Quellas pretensiuns vegnan risguardadas compleinamein tier la fabricaziun de Nagomaltor. Latg entir frestg, mèlen d'iev, che contegn fosfor, extract de malz per rinforzar, cacao ein las substanzias fundamentalas allas qualas ei vegn aunc agiuntau mèl d'aviuls sco era ils sals de calcium e fosfor. Quellas substanzias, concentradas tras in cundrez modern de fabricaziun, porschan in preparat, il qual ha enflau tras sia qualidad en tuts circuits buna acoglenza, principalmein tier miedis e hebamas.

Nagomaltor presta exquisits survetschs tier reconvalescents, personas surluvradas spirtalmein ni corporalmein, tier las qualas igl organismus ha de basegns de vivonda rinforzonta, mo leva de tuchegiar.

In product, la sinthesa dil qual sebasescha medemamein sin gronda enconuschientscha professionala, ei Banago. Il bass prezi de quei product lai concluder sin ina razionala metoda de fabricaziun. Quei „Bananen-Cacao“ anflan ins ozildi bunamein tier scadin solver ed ei era beinvegnius tier la merenda. Ultra dil savurus cacao e las bananas rehas en vitamin, contegn Banago zucher ded iuas, extract de fixs, adattaus per far saung, sco era sal de caltschina e fosfats qualificai per infermir l'ossa.

Tgi che preziescha in dretg nutriment per sesez e sia famiglia, tgi che vul dabot remplazzar forzas piarsas e mantener sia sanadad, emprovi in de quels mieds comprovai.

Cuorta cronica.

Scriver ozildi ina cronica sur dil passau, en in calender, ha buca grond senn. Quei fan, en nies temps de pupi, las gassetas en abuldonza. Nus lein pia buca scriver sur las ideas de „Paneuropa“, ed era buca sur l'America, che ha empristau daners a l'entira Europa e regia perquei ella. Era che la Fronscha ha derschiu siu ministeri e mess si in niev, tier il qual ins ha stuiu turnar ad haver Briand, quei grond um raschuneivel, emporta sgarscheivel pauc a nus Grischuns-Romontschs. Ch'il pli grond um e politicher della paisch en Germania Stresemann ei morts, ei segir de deplorar, mo la fin finala ei mintga carstgaun remplazabels. Gie, perfin nos dus cusseglers federals a Bern vegnan a vegnir remplazai. Per plazzas de honor e grond salari dat ei adina aspirants detgavunda e perquei capin nus, sch'ei gl'ei era quella gada pli che dus, che han che fa cauld e che vegnessan sgarscheivel bugen: cusseglier federal. Perquei stuein nus burgheis ordinaris nuota haver quitau; las partidas politicas, q. v. d. ils cusseglers nazionals e dils stands a Bern vegnan schon a quar ora dus. Sch'in de quels vegn ad esser in tschietschen e l'auter in pur ei grev de dir. En quei cass havessen nus 2 conservativs, 3 liberals, 1 pur ed 1 tschietschen el cussegl federal e quei fuss partiu giu gnanc aschi mal buc, suenter la forza proporzionala dellas partidas. — Avon zatgei jamnas ha Basel, entras il cussegl della Ligia de Pievels, survegniu la gronda honor ded

esser il liug della „Banca internazionale“. Ils de Basel han secapescha grond placher sur de quei, ferton ch'ils Turitges ein vilai suten, che lur marcau, il centrum de grondas finanzas en Svizzeria, ha buc obteniu quella honur. Denton valan era cheu ils plaids: Empau perin fa mal a negin! Genevra ha la Ligia de Pievels, Bern la Casa federala, Turitg il Politechnicum ed ussa eis ei endretg che era Basel hagi sia buccada. Nus Grischuns essen era cuntents senza de quellas honurs.

En nies cantun Grischun ha ei buca midau bia dapi la davosa gada ch'il Glogn ei compariu. Nus havein giu en quei interval las elecziuns dil cussegl nazional, nua ch'ils socialistas han gudignau in mandat sin donn e quost dils conservativs. Co quei ei iu, sa mintgin mirar suenter ellas gasettas. Era la regenza han ins turnau ad eleger la medema, nunditgont las duas votaziuns, ch'ei ha duvrau per far turnar a seser quels signurs sin lur sessel grond.

In cass historic seigi aunc nudaus el „Glogn de 1930“. Quei fuss il grond eveniment della reconziliaziun denter il Papa e Mussolini pertenenent il stadi della Baselia, il qual l'Italia veva priu en posses encunter tut dretg dapi 1870. Per quest grond eveniment, che ha fatg fin ad in continuau rizraz denter la Sedia papala e l'Italia, ha ei duvrau in um perdert e raschuneivel sco Papa Pius ils XI. ed in energetic e detschiert politicher sco Benito Mussolini. Tier quella fatschenta han omisduas parts lur avantatgs; mo ussa tut ch'ei cuntents che „la questiun romana“ ei regulada e liquidada. Il Papa ha ussa sia libertad e plaz detgavunda en sia „Città del Vaticano“ e Mussolini ha manteniu „l'Italia unita.“

Quei che las camischas cotschnas (Garibaldi e Cie.) han giu priu da siu temps, han las camischas neras (Mussolini e ses facists) puspei restituiu. Ils catolics digl entir mund han tutta raschun de selegrar sur quei eveniment historic.

Fatgs confessionals.

A. Part catolica.

Papa Pius XI, naschius ils 31 de matg 1857 a Desio, Milaun, ordinaus spiritual ils 20 de december 1879 a Roma, prefect della biblioteca Ambrosiana 1907, prefect della biblioteca Vaticana 1914, nunzi en Pologna 1917, arzustg de Milaun e cardinal ils 13 de zercladur 1921, elegius papa ils 6 de fevrer ed encorunaus ils 12 de fevrer 1922.

Uestg de Cuera: Mgr. Georgius Schmid de Grüneck de Surrein-Sumvitg, naschius 29 de november 1851, ordinaus spiritual igl 1 d'uost 1875, elegius uestg ils 7 de matg e consecraus ils 4 d'oct. 1908, assistent dil tron papal e cont roman 1921.

Uestg auxiliar de Cuera: Mgr. Antonius Gisler de Bürglen Uri, naschius ils 25 de mars 1863, ordinaus spiritual igl 1 de november 1878, elegius uestg auxiliar ils 12 de matg e consecraus igl 1 de fenadur 1928.

Vicari general: Can. Dr. L. M. Vincenz. — *Canc. episc*: Ant. Simeon. — *Registratur*: Can. Dr. J. Ruoss. — *Secretari*: Fr. Brehm. — *Archivar*: G. Battaglia. — *Regens dil Seminari s. Gliezi*: Msgr. Dr. A. Gisler.